



Forum Ecclesiasticum

In Quo Jus Canonicum Universum, Librorum Ac Titulorum Ordine Per
Quæstiones Et Responsa, Tam Canonistarum Veterum & Recentiorum,
quàm Legistarum, in iis, quæ Utrique Juri, Canonico Et Civili Communia
Sunt, Authoritate stabilita, Methodo clara & facili explanantur

Leuren, Peter

Moguntiae, 1719

Quæst. 672. Qualiter & quibus solennitatibus adhibitis codicilli fieri
debeant.

[urn:nbn:de:hbz:466:1-73957](#)

cunque proveniat illa prohibitio, prohibeatur quoque factio codicilli dicitur autem: *à jure*: quia impedimentum juris, non vero facti, ut dum quis. V.g. ob defectum unius aut alterius testis impeditur facere testamentum, obstat factio codicilli. Mantic. de *conjunct.* ult. vol. L. 6. tit. 4. num. 1. in fin. Tholosan. L. 43. *syntag.* p. 3. c. I. num. 5. Struv. l. c. Lit. y. & ibid. Muller. Lauterb. ibid. §. 5. requiritur autem, ut ea potestas & habilitas juris faciendo testamentum adsit eo tempore, quo fit codicillus, nam si eo tempore, quo si fieret aut factum fuisset testamentum, hoc de jure non subsisteret, factus codicillus, hic non valebit. Unde si quis, dum suae potestatis erat, legitimum condit testamentum, & postmodum captivus apud hostes codicillos, hi facti in captivitate non subsistunt, licet postmodum testator postlimio redeunte, ejus testamentum jure postliminii convalefacit; quia si testator tempore captivitatis testamentum suum fecisset, hoc non valeret, & jure postliminii non convalesceret. ita Muller. l.c. Lit. e. Quæ ipsa tamen sic limitanda: nisi codicilli ante testamentum facti dein in testamento ab habili conformato confirmati fuerint; hi enim vi talis confirmationis, etiam postmodum ab inhabili denuo conditi validi sunt & subsistunt fictione juris postliminii, sicut testamentum, ad quod retrotrahuntur. L. 12. ad ff. de *captiu.* & *postlimin.* revers. Struv. l. c. Lit. q. Muller. ibidem. Secus tamen esset, seu non subsisterent codicilli, & nihil vi corum peti posset, si testator non reversus, sed in captivitate mortuus esset. cit. L. 12. §. penult. Bart. in L. 8. ff. qui *testam. fac. poss.* etiam si in eo causa fictionis legis Cornelie testamentum subsisteret. §. 5. *Inst. quibus non est permitt. fac. testam.* Muller. l.c.

2. Resp. ad secundum: ex codicillis capere vel aliis acquirere possunt omnes, cum quibus testamenti factio esse intelligitur. §. 4. *Inst. de heredum qual.* & diff. seu qui testamenti factioem passim habent, id est, ex eo percipere possent, licet testamentum aut codicillos proprio nomine (nullo tamen facinore intestabiles reddit) facere nequeant, ut filiusfamilias, surdus & mutus, impubes, furiosus &c. Reusner. *de codicil.* c. 6. num. 4. Lauterb. l.c. Struv. Muller. l.c. Lit. b.

Quæst. 670. An & qualiter rationem codicilli adhuc habeat & subeat testamentum propter defectum solennitatis non subsistens?

R Esp. dum quis exprimit se velle facere, vel etiam existimat se facere testamentum, quod tamen propter defectum aliquem solennitatis non subsistit ut testamentum, non valet etiam iure codicillari, sed in ratione codicilli, licet omnia codicillorum requisita habeat juxta expressum textum. L. 1. ff. de *jur. codicil.* Extenditurque hoc ipsum ad casum, in quo expresse quidem non dicit quis, se velle testari, heredem tamen instituit, vel exhereditat; quia eo ipso testari voluisse presumitur juxta L. 14. c. de *jur. codicil.* Limitatur è contra primò; ut si quis expreßerit voluntatem alternativam; vel faciendo codicillum, vel testamentum, et si seu solum testes adhibuerit, sustinetur tale testamentum tanquam codicillus, si clausulam codicillarem, de qua paulò post, adhibue-

rit, & directa heredis institutio in eo facta trahitur ad fideicommissum; ut ut heredes ab intellecto capiant quidem hereditatem totam, sed eam scripto heredi restituere cogantur detraicta Trebelianica L. 13. §. 1. ff. de *jur. codicillor.* L. 76. ff. ad SC. Trebell. Lauterb. cit. §. 5. Dum autem non appareat, an testamentum, an codicillum quis facere voluerit, ad Judicem spectare ex verbis & circumstantiis desuper cognoscere & decidere. cit. L. 13. ait. Idem cum Vinnio ad §. 2. *Inst. de jur. codicil.* Limitatur secundo in testamentis parentum inter liberos & ad vias causas, quæ sustinentur in ratione codicilli, et si iis non sit inferta clausula codicillaris, utpote quæ talibus testamentis tacite inesse censemur. Reiffenst. b. t. num. 717.

Quæst. 671. An & qualiter plures codicillos quis facere possit?

R Esp. tametsi plura testamenta facere quis nequeat ita ut ambo valeant, potest tamen plures quis facere codicillos, modò non sint contraria, alioquin prior per posteriorem revocatus censetur. §. fin. *Inst. de codicil.* L. dixi. §. 1. ff. de *jur. codicil.* Pirth. b. t. num. 7. in fin. Reiffenst. num. 715. cum communi. Cujus ratio est; quia in codicillis res singulares tantum, & non hereditas, quæ est successio in totum jus defuncti relinquitur.

Quæst. 672. Qualiter & quibus solennitatibus adhibitis codicilli fieri debant.

R Esp. Forma codicillorum quasi accidentalis, quæ adesse & abesse potest sine eorum interitu, consideratur tam ratione scriptura & verborum conceptionis, dum ad eos non requiritur necessariò scriptura, neque certa verborum forma. Muller. l.c. tb. 58. lit. d. *juxta L. 6.* §. 1. num. 3. ff. de *jur. codicil.* ubi quòd necessarium non sit, eos manu disponenti scribi aut signari. quin etiò si expresse protestetur, se nolle valere codicillos, nisi à scripti & subsignati essent; postea tamen curer codicillum fieri à se nec scriptum nec subsignatum, adhuc valeat; quia protestatio præcedens per factum contrarium tollitur. Brunem. ad *cit. L. 6.* Muller. l.c. tum ratione ordinis & confirmationis, dum codicilli testamentarii fieri possunt tam ante quam post testamentum: non testamentarii, confirmatione non egeant, capiunt tamen vires ex testamento, quamdiu non appareat alia mens testatoris expresse, interdum tamen etiam testamento confirmantur; idque diversis modis, nempe vel in præteritum vel in futurum, vel in utrumque. Lauterb. l.c. §. 13. Essentialis verò eorum forma, quæ illis dat esse, & sine quo esse non possunt, consistit ferè in hac unica solennitate juris, nimurum adhibitione testium, quorum necessariò requiruntur quinque juxta textum clarum. L. fin. c. de *codicil.* Quin & in codicillis inter liberos sufficiunt duo; cum nequidem ad testamento inter liberos & ad vias causas requirantur plures. Tusch. Lit. c. concl. 405. num. 11. Molin. Tom. tr. 2. d. 131. num. 8. Gail. L. 2. obs. 112. num. 1. & 7. Mynd. cent. I. obs. 96. per tot. Berlich. p. 3. concl. 5. num. 13. Muller. inff. de *jur. codicil.* tb. 57. lit. Z. Quin & codicillis militis in expeditione degentis sine omni teste, modò aliis de ejus

quis voluntate certo aliunde constare possit. Muller. l.c. Uti & à solennitate exempti sunt codicilli, qui sunt judicialiter & coram actis publicis, valentes ob autoritatem judicialem absque omnibus testibus. Carpz. p. 3. c. 4. d. 32. num. 4. Muller. l.c. Sic quoque codicilli facti sine teste subsistunt in cassu, quo codicillans haredem ab intestato successum, fideicommissarium legatarium praesentem rogavit, ut post mortem suam hareditatem vel rem certam huic vel illi restituat; tunc enim à defuncto honorari deferre possunt haredi aut alii personae oneratae juramentum ad hoc, ut vel relieta solvat, vel sub juramento neget, nihil à se rogatum, vel non illam speciem aut quantitatem; modo defensis prius ipse de calumnia juret, se non animo calumniandi hoc juramentum deferre, sed & justa & probabili causa. Lauterb. l.c. §. 8. cum Richter. decis. 62. num. 20. Besold. p. 3. cons. 107. num. 7. Carpz. f. F. p. 3. c. 8. d. 40. Pauciores etiam tempore peccati requiri testes, ait Lauterb. l.c. Nihilominus tamen sicut in testamento caci supra regularem numerum septem testium requiritur octavus, vel loco ejus Notarius publicus, ita etiam in codicillis caci supra ordinarium numerum quinarium requiritur testis sextus. L. 8. c. qui testam. fac. poss. Jalon. ibidem. & Sichard. num. ult. Harpr. in §. fin. Inst. de codicil. Stryck. de jur. sens. dissert. 2. c. 3. num. 27. Stru. in ff. de jur. codicil. tb. 57. lit. e. & alii quos ibidem refert & sequitur Muller. Contrarium tamen, quod etiam in codicillis caci requiruntur septem testes cum Notario, & in hujus defuncto testis octavus. Arg. cit. l. 8. c. qui testam. fac. poss. v. quo in eundem. tenentibus apud Muller. Mohr. l.c. Barry. de success. l. 1. tit. 6. num. 2. Vasp. L. 3. controv. c. 103. num. 13. Bachov. ad Treu. vol. 2. d. 10. tb. 3. lit. F. & plures alii. Porro testes requisiiti ad confectionem codicillorum uno eodemque tempore adhiberi debent; adeoque codicillans exspectare debet, donec omnes accelerent, ne per adventum unius post alterum turbetur actus codicilaris, qui uno contextu ad similitudinem testamenti celebrari debet. L. 28. in pr. c. de testam. Muller. l.c. tit. 8. Caterium non requiritur, ut dicti testes sint specialiter ad hoc convocati & rogati, ut huic actui quā tales interficiant; sed sufficit fortuitō convenisse, modò coram illis voluntas codicillantis exponatur. Tusch. pract. concl. lit. C. concl. 404. num. 6. Sichard. ad rnb. de codicil. num. 4. Reusn. de codicil. c. 10. num. 4. Stru. l.c. tb. 58. lit. e. Muller. ibidem. quin & apud hunc Vasp. l.c. num. 16. asserit, sufficere, quod testes non tantum sint ad hoc rogati; sed etiam si inviti detent & compulsi ad hoc. Licet autem testes omnes; non quidem solennitatis gratia, sed ut constet, quinam & cuius codicilli sint adhibiti, ut Barry. de success. l. 1. tit. 6. n. 6. Lauterb. l.c. §. 6. (cuius tamen contrarium, nempe, quod eorum subscriptio tanquam solennitas necessaria sit ita etiam, ut si quis eorum scribere nesciat, non admittatur in testem, tenet cum aliis Muller. l.c. lit. §.) subscribere debeant & quidem chirographo proprio, dum codicillus sit, eorum tamen subsignatio seu sigilli appressio videtur esse non necessaria. Arg. L. fin. c. de codicil. Lauterb. l.c. In codicillis autem nuncupativis sufficit sola testium praesentia, ut Idem juxta cit. l. fin. qui tamen codicillantem videre debent, ut Carpz. f. F. p. 3. cap. 4. d. 37. Lauterb. l.c. Muller. l.c. lit. §. Nec denique requiritur, ut testes sint masculi. Sichard. l.c. Tusch. l.c. concl. 405. num. 1. Molin. cit. d. 131. num. 6. Giphan. ad l. fin. §. fin. c. de codicil.

cil. Harpr. ad §. ult. Inst. cod. Muller. l.c. lit. n. Lauterb. §. 7. cum mulierum testimonium in ceteris actibus tam mortis gratia, quam inter vivos non despiciatur. L. 20. §. mulier. ff. qui testamentum facere poss. Reusn. de codicil. c. 10. num. 12. Muller. l.c. Quin & solae esse possunt testes in codicillis. Carpz. p. 2. decis. 152. num. 22. Muller. l.c. dissentientibus apud eundem alii. Hystamen non obstante. L. 8. c. qui testam. fac. poss. dum ibi dicitur, eundem modum servandum in codicillis, ac in testamentis, in quibus mulier testis esse nequit; cum ea non pertineant ad qualitatem testium, sed ad tabularum & reliqua in testamento cœci specialiter observanda. Lauterb. cit. §. 7. debent nihilominus sicut alii testes ad codicillum requisiti esse ad testificandum de jure idonei. Arg. c. relatum. h.t. An vero legatarii ipsi & fideicommissarii esse possint testes in codicillis, valde controvertitur inter AA. affirmat Carpz. cit. decis. 152. per L. 22. c. de testam. & plures alii apud Muller. l.c. eò quod ratio, quā utitur Justinian. in §. 11. Inst. de testam. ordina. non magis militet in testamento quam codicillo; quodque nullibi a testimonio in codicillis reperiantur exclusi: & leges nostræ non multum curæ ponant in ordinatione codicillorum, dum etiam non rogati & mulieres admittuntur in testes. Contrariam sententiam tanquam receptionem & communioem propugnant Salicet. in cit. l. 22. num. 3. Reusn. de codicil. c. 16. in fin. Mascal. de probat. concl. 308. num. 7. Brun. adl. 20 ff. qui testam. fac. poss. num. 9. Manz. de testam. valid. & inval. tit. c. q. 1. num. 56. Farinde testib. q. 6. num. 308. Besold. ad jue Provinc. Wurtenb. d. 3. tb. 157. aliquie plurimi, quos citat & sequitur Muller. cit. tb. 58. lit. n. ex ea potissimum ratione, quod nemo in propria causa testis idoneus censeatur. Unde etiam dedit Fachin. apud Muller. testibus in codicillis adhibitis, nihil ex eo relinquere posse ita ut ne quidem ejus, cui aliquid in testamento reliquit, habens eum in potestate, testis in eo testamento esse possit. eò quod ususfructus in eo legato ei acquiratur; adeoque ipsi legatum reliquit videatur, & consequenter in suam comodum testimonium perhibuisse. Idem est de marito, qui in codicillis, quibus uxori reliquit legatum, vel fideicommissum, inter alios testis fuit, & ut propterea talis codicillus non valeat, ut Muller. quem vide de his suis tractantem. Atque ex his omnibus vides, quod licet codicilli non ab omnibus solennitatibus, ut aliqui volunt; sint exempti, sed aliquas necessariò requirant quia tamen haec longè pauciores sunt solennitatis testamentarii, bene dicit Reiffenst. h.t. num. 712. id ipsum valde inservire parentibus, dum quandoque illibenter testamentum faciunt, relinquere tamen desiderant ex certis causis aliquid uni ex liberis præ aliis, vel pro anima sua, id facere possunt sine ullo testamento per codicillum adhibitis duobus solum testibus obviis etiam feminis.

Quæst. 673. An & qualiter codicillus necessariò faciendus verbis indirectis, & egeat confirmatione?

I. Esp. Ad primum: declaratio voluntatis codicillantis necessariò facienda verbis obliquis seu indirectis & precariis, dum per codicillum relinquatur hereditas, ita ut nec pater liberis suis directè in codicillis eam relinquere valeat. L. 76. ad Sc. Trebell. Reusn. de codicil. c. 7. num. 27. Carpz. p. 2. decis. 152. num. 3. Muller. l.c. tb. 19. lit. a. utine eam directè relinquere potest causæ piaæ. L. 10. ff. cod.